



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

Privilegium Libertatis Monasterio Sancti Dionysii Concessvm A Landerico
Episcopo Parisiacensi.

urn:nbn:de:hbz:466:1-15300

PRIVILEGIUM LIBERTATIS
 MONASTERIO SANCTI DIONYSII
 CONCESSVM A LANDERICO EPISCOPO PARISIACENSI.

*Diuina largiente gratia Landericus Parisiorum
 ecclesiæ episcopus.*

QVONIAM quidem inter ea quæ Dei disponente pro-
 uidentia cursu temporis agimus, si quid recte actum
 est, ad illius, qui & dando præmonuit, & posse contulit,
 gloriam & nostram prosperitatem non est dubium atti-
 nere; decet & præsertim eos, qui in sacris ordinibus e-
 minere videntur, priuatæ & publicæ rei ita curam age-
 re, vt & sua peccamina annullare, & si quid est virtutis,
 hoc semper ad altiora studeant prouehere, & aliorum
 vel benefacta commendare, vel vitia inuigilent corrige-
 re. Debet etiam esse grata omnium Dei fidelium inter se
 familiaritas, & in expetendis dandisque beneficiis adeo
 opportuna propinquitas, vt nulli prorsus digna petenti
 non modo non abnuat, verum etiam vt amplius quod di-
 gnum est ab altero petere postuletur. Quapropter noue-
 rit omnium catholicæ ecclesiæ cultorum generalis vni-
 uersitas, quod domnus gloriosissimus Cludouicus Fran-
 corum Rex, diuino irradiatus lumine, religiosa petitio-
 ne humilitatis nostræ extremitatem poposcit, vt & nos,
 & canonicorum nostrorum communis fraternitas, secu-
 ritatis & incommutabilitatis priuilegium ederemus, pro
 reuerentia sancti Dionysii, sociorumque eius Rustici &
 Eleutherii, qui cum eo laurea martyrii sunt redimiti, ad
 basilicam ipsorum, vbi ipsi corpore requiescunt, & in
 virtutum miraculis coruscant, & vbi Dagobertus genitor
 suus quondam rex, vel genitrix sua Nanthildis regina
 sepulturas habere videntur. Quamquam sancta Cartha-
 ginensis Synodus facta a beatæ memoriæ domno Boni-
 facio eiusque coepiscopis, non prohibeat monachos sub
 priuilegio proprio residere, vel sancti Augustini libri de
 ecclesiasticis gradibus doceant monachos, sub quiete
 regulariter viuentes, sua singulari lege debere quiesce-
 re, & ab omni infestatione clericorum intrepidus per-

manere, ne sæcularis strepitus eos lædat, quos districta regula seruitutis Domini moderatur. Quod nos considerantes, dum & canonica institutio nos hac de re non præiudicat, vel ideo quia supradicti domni Cludouici regis petitio quasi nobis iussio est, cui difficillimum est resisti, vel pro reuerentia tantorum martyrum, quorum patrocinio se ipse commisit, ut ipsis monachis secundum sanctum ordinem viuere liceat, & ut tam pro nobis, quam pro omnibus nostræ ecclesiæ fratribus Deum orent, ipsum priuilegium plena voluntate, vna cum consensu fratrum meorum, ipsis concessisse visus sum. Per quod decerno, atque ob testificationem diuini nominis interdico, ut nec ego deinceps, nec ullus successorum meorum hoc audeat infringere, vel temerario ausu aliquatenus violare. Videlicet ut omnis presbyter vel clericus ex his quæ in ipso loco beatissimi Dionysii martyris, vel extra, ex loco qui dicitur fons S. Remigii, sicut via distinguit, quæ præbet iter iuxta pratum quod dicitur Formosum, usque ad ecclesiam sancti Quintini martyris, & illinc per regalem stratam, donec veniatur ad viuarium in capite Triceni pontis, sicut prata fratrum distinguunt, usque ad præfatum locum fontis beati Remigii, omnes illi qui in hoc circumscripto spatio ecclesiis seruiunt, sint liberi & absoluti ab omni debito, & redditione circadarum & Synodorum. Tamen volumus, & pro reuerentia sancti martyris Dionysii concedimus, ut si necessitas eis fuerit, ex nostro & successorum nostrorum episcopatu sine precio chrisma & oleum suscipiant. Et si quis eorum presbyterorum vel clericorum forte aut occisus, quod absit, aut vulneratus fuerit, aut ex his omnibus alicuius iniuriæ acclamatio surrexerit, quidquid ex his omnibus ad nos pertinere videatur, hoc totum abbati, qui in ipso sancto loco præfuerit, ceterisque fratribus habendum & disponendum concedimus. Quod si aliquis calliditate aut cupiditate præuentus fuerit, & ea quæ sunt superius comprehensa temerario spiritu violauerit, tribus annis pœnitentiam agat, a communione fratrum sequestratus, & nihilo minus hoc priuilegium Christo protegente, qui & adiuuet illud conseruantes, & dissipet illud destruere cupientes, perpetuo maneat incorruptum. Quam defini-

tionem constitutionis nostræ, vt nostris & futuris temporibus valitura sit, manus nostræ subscriptionibus roborauimus, & coepiscopos, domnos, & fratres nostros rogauimus, vt ipsam insuper firmare debeant.

S V B S C R I P T I O N E S.

In Christi nomine Landericus, ac si peccator, episcopus vrbs Parisiacæ hoc priuilegium consensi & subscripsi.

Munemundus episcopus consensi & subscripsi.

Gouualdus episcopus consensi & subscripsi.

Vulfolenus episcopus consensi & subscripsi.

Armentarius episcopus consensi & subscripsi.

Rauracus episcopus consensi & subscripsi.

Malehardus episcopus consensi & subscripsi.

Eligius episcopus consensi & subscripsi.

Gratus episcopus consensi & subscripsi.

Ioannes episcopus consensi & subscripsi.

Burgundofar episcopus consensi & subscripsi.

Richoaldus episcopus consensi & subscripsi.

Baldomerus episcopus consensi & subscripsi.

Audoenus episcopus consensi & subscripsi.

Taurinus episcopus consensi & subscripsi.

Eustorgius episcopus consensi & subscripsi.

Karioendus episcopus consensi & subscripsi.

Berthefridus episcopus consensi & subscripsi.

Audobertus episcopus consensi & subscripsi.

Clarus episcopus consensi & subscripsi.

Castadius episcopus consensi & subscripsi.

Litterius episcopus consensi & subscripsi.

Palladius episcopus consensi & subscripsi.

Ætherius episcopus consensi & subscripsi.

Ingildus episcopus consensi & subscripsi.

Facto priuilegio sub die Iulii in anno xv. regnante Clodouico gloriosissimo rege, Austrolenus lector, iubente domno Landerico episcopo, hoc priuilegium scripsi & subscripsi.

NOTA IACOBI SIRMONDI
SOCIETATIS IESV.

¹ *Priuilegium S. Landerici.*] Clodouei iunioris anni consurgunt ex anno Christi DCXLIV. incunte. Quare priuilegium Landerici, quod Clodouei anno xv. datum dicitur, anno Christi DCLVIII. congruere planum est.

CON-